



BARAZA LA WAWAKILISHI – ZANZIBAR

ORODHA WA SHUGHULI ZA LEO

BARAZA LA TISA LA WAWAKILISHI

MKUTANO WA TATU

Kikao cha Nne – Tarehe 26 Septemba, 2016.

Kikao Kitaanza Saa 3.00 (Tatu) Asubuhi
na Dua zitasomwa.

I. HATI ZA KUWASILISHA MEZANI:

Waziri wa Ardhi, Maji, Nishati na Mazingira:

Hotuba ya Uwasilishaji wa Mswada wa Sheria ya Usimamizi (Utafutaji na Uchimbaji) wa Mafuta na Gesi Asilia, Kuanzisha Mamlaka ya Udhhibiti wa Shughuli za Utafutaji na Uchimbaji wa Mafuta na Gesi Asilia, Kuanzisha Kampuni ya Maendeleo ya Mafuta na Kuhakikisha Uwajibikaji wa Taasisi za Mafuta na Mambo Mengine Yanayohusiana Nayo.

Mwenyekiti wa Kamati ya Mawasiliano na Ujenzi:

Hotuba ya Maoni ya Kamati ya Mawasiliano na Ujenzi kuhusu Mswada wa Sheria ya Usimamizi (Utafutaji na Uchimbaji) wa Mafuta na Gesi Asilia, Kuanzisha Mamlaka ya Udhhibiti wa Shughuli za Utafutaji na Uchimbaji wa Mafuta na Gesi Asilia, Kuanzisha Kampuni ya Maendeleo ya Mafuta na Kuhakikisha Uwajibikaji wa Taasisi za Mafuta na Mambo Mengine Yanayohusiana Nayo.

II. MASWALI:

Ofisi ya Rais, na Mwenyekiti wa Baraza la Mapinduzi:

119. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Nchi, Ofisi ya Rais na Mwenyekiti wa Baraza la Mapinduzi:

Ziara za Mhe. Rais wa Jamhuri ya Muungano wa Tanzania za kukagua hospitali ya Rufaa ya Muhimbili zimesaidia sana kuondoa kero ya upatikanaji wa huduma duni na kuleta faraja kwa wananchi waliokuwa wakitaabika na huduma za Afya.

- a) Je, ni lini Mhe. Rais wa Zanzibar atachukua hatua za kufanya ziara za kushtukiza katika Hospital ya Mnazi Mmoja ili kusaidia kuondoa kero za upatikanaji wa huduma kwa wakati, ukosefu na upungufu wa vifaa vya uchunguzi pamoja na ukosefu wa dawa.
- b) Je, ni lini ahadi ya Mhe. Rais ya wananchi wake kutibiwa bure aliyoitoa kupitia vyombo vya habari tarehe 2/10/2015 wakati wa Kampeni za Uchaguzi itanza kutekelezwa ili kuondoa michango ya huduma inayoendelea kujitokeza.

Ofisi ya Rais, Katiba, Sheria, Utumishi wa Umma na Utawala Bora:

160. MHESHIMIWA MOHAMMED SAID MOHAMMED (Jimbo la Mpendae) - Atamuuliza Mheshimiwa Waziri wa Nchi, Ofisi ya Rais, Katiba, Sheria, Utumishi wa Umma na Utawala Bora:

Hivi karibuni kumeibuka wimbi kubwa la watoto kufanya makosa ya jinai bila ya kujitambua.

- a) Je, ni watoto wangapi wamewekwa rumande kwa mwaka 2015/2016 kwa tuhuma mbali mbali.
- b) Je, ni watoto wangapi wametiwa hatiani katika kipindi hicho.

Ofisi ya Rais, Tawala za Mikoa, Serikali za Mitaa na Idara Maalum za SMZ:

81. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Wizara ya Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ inastahili pongezi kwa kuanzisha Manispaa Mpya za Magharibi "A" na Magharibi "B". Kwa kuwa Manispaa hizo zimeanzishwa kwa lengo la Serikali kuongeza maendeleo kwa wananchi.

Je, Wizara imejiandaa vipi juu ya vitendea kazi kwa Manispaa hizo.

167. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ:

Katika kusherehekea sikukuu ya IDD-EL-FITR, uwanja wa Mnazi Mmoja, Baraza la Mji lilijenga maturubali au mashamiana mazuri kwa ajili ya wafanyabiashara mbali mbali, kwa ajili ya kuweka mazingira safi na salama.

Je, ni muitikio gani uliopatikana juu ya wafanyabiashara wetu kutumia mashamiana hayo.

Wizara ya Afya:

80. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Afya:

Hivi karibuni imeripotiwa na vyombo vya habari mbali mbali nchini kuwa kumefanyika uzembe katika Hospitali ya Rufaa ya Mnazi Mmoja ambapo maiti ya mtoto mchanga iliwekwa muda wa siku tatu mpaka inaanza kutoa harufu ndipo wamekabidhiwa jamaa zake baada ya kusumbuliwa kwa muda mrefu.

- a) Je, hadi hivi sasa hatua gani zimechukuliwa kwa waliohusika na uzembe huo.
- b) Je, hatua gani zimechukuliwa ili kuhakikisha kuwa uzembe kama huo hautokezei tena.
- c) Kwa kuwa mzazi wa mtoto huyo alijifungua kwa operesheni na kwa kuwa mzazi huyo alipata matatizo makubwa ya kisaikolojia kutokana na tukio hilo, Je, Wizara ipo tayari kumpa fidia kwa athari za kisaikolojia alizozipata pamoja na familia yake.

Wizara ya Kazi, Uwezeshaji, Wazee, Vijana, Wanawake na Watoto:

46. MHESHIMIWA SULEIMAN MAKAME ALI (Jimbo la Ziwani) - Atamuuliza Mheshimiwa Waziri wa Kazi, Uwezeshaji, Wazee, Vijana, Wanawake na Watoto:

Kwa kuwa kumekuwepo na jitihada za Serikali kuwawezesha akina mama ili waweze kujikwamua na umasikini, katika nchi yetu. Na kwa kuwa katika Jimbo la Ziwani kumekuwepo na vikundi vingi vya akina mama waliojikusanya ili kujiendeleza kiuchumi. Na kwa kuwa kina mama hao hawajawahi kupata msaada kutoka Serikalini.

Je, ni lini akinamama wa Jimbo langu la Ziwani watapatiwa msaada kama wanavyopata wenzao katika maeneo mengine.

Wizara ya Elimu na Mafunzo ya Amali:

151. MHESHIMIWA MOHAMMED SAID MOHAMMED (Jimbo la Mpendae) - Atamuuliza Mheshimiwa Waziri wa Elimu na Mafunzo ya Amali:

Serikali ya Mapinduzi ya Zanzibar kwa nia njema imeanzisha Bodi ya mikopo ya Elimu ya juu ili kuwapatia fedha wanafunzi wa vyuo mbali mbali.

- a) Je, Serikali inadai kiasi gani cha fedha tangu kuanzisha Programu hiyo hadi sasa.
- b) Ni wanafunzi wangapi wamerejesha fedha hizo tangu kuajiriwa.

Wizara ya Habari, Utalii, Utamaduni na Michezo:

37. MHESHIMIWA SALMA MUSSA BILAL (Nafasi za Wanawake) - Atamuuliza Mheshimiwa Waziri wa Habari, Utalii, Utamaduni na Michezo:

Katika sekta ambayo inaingiza mapato makubwa ya nchi ni sekta ya utalii.

- a) Je, Serikali ina takwimu sahihi ya watalii wanaoingia nchini.
- b) Ni njia gani inayotumika kuhakikisha kwamba hakuna uvujaji wa mapato katika sekta hiyo.

Wizara ya Kilimo, Maliasili, Mifugo na Uvuvi:

129. MHESHIMIWA MARYAM THANI JUMA (Jimbo la Gando) - Atamuuliza Mheshimiwa Waziri wa Kilimo, Maliasili, Mifugo na Uvuvi:

Kwa kuwa kilimo ndio uti wa mgogo wa Taifa letu na niseme kwamba wananchi wa Jimbo langu wanategemea sana kilimo kama vile tungule, mboga mboga na matikiti. Hata hivyo katika kilimo hicho cha mazao hayo hawavuni ipasavyo kutokana na utaalumu mdogo walionao wa kilimo hicho.

Je, Serikali imejipangaje kuwapatia wakulima hao, wataalamu wa kilimo.

Wizara ya Ujenzi, Mawasiliano na Usafirishaji:

35. MHESHIMIWA MTUMWA PEYA YUSSUF (Jimbo la Bumbwini) - Atamuuliza Mheshimiwa Waziri wa Ujenzi, Mawasiliano na Usafirishaji:

Jimbo la Bumbwini limebahatika kuwa na minara miwili ya simu ambayo ipo karibu mno. Mnara mmoja kati ya hiyo unatoa huduma za Zantel na mwengine uliobakia upo tu bila ya kushughulikiwa wala kukaguliwa kwa muda wa miaka minne sasa.

a) Je, ni nani mmiliki wa mnara huo

b) Ni nini malengo ya kuwekwa kwa mnara huo.

c) Je, mnara huo unafanya kazi, na iwapo mnara huo haufanyi kazi, huoni kuwa kuna haja kwa Wizara yako kufanya utaratibu utaohakikisha kuwa mnara huo unaondolewa ili kuepusha madhara yoyote yanayoweza kutokea kwa wananchi wanaoishi karibu na mnara huo.

III. HOJA ZA SERIKALI:

Waziri wa Ardhi, Maji, Nishati na Mazingira:

Mswada wa Sheria ya Usimamizi (Utafutaji na Uchimbaji) wa Mafuta na Gesi Asilia, Kuanzisha Mamlaka ya Udhibiti wa Shughuli za Utafutaji na Uchimbaji wa Mafuta na Gesi Asilia, Kuanzisha Kampuni ya Maendeleo ya Mafuta na Kuhakikisha Uwajibikaji wa Taasisi za Mafuta na Mambo Mengine Yanayohusiana Nayo - Kusomwa kwa Mara ya Pili.

Zanzibar,
26 Septemba, 2016.

(Amour M. Amour)
KNY. KATIBU WA BARAZA.